



陶菴集

一

詩

六廿五

~16
2325
1



和
2380
2325
卷1-25



陶菴先生集總目

卷之一

詩

卷之二

詩

卷之三

詩

卷之四

詩

卷之五

陶菴先生集總目



疏

卷之六

疏

卷之七

疏

啓

卷之八

書啓

講義

卷之九

書

卷之十

書

卷之十一

書

卷之十二

書

卷之十三

書

卷之十四

書

卷之十五

書

卷之十六

書

卷之十七

書

卷之十八

書

卷之十九

書

卷之二十

書

卷之二十一

書

卷之二十二

書

卷之二十三

書

卷之二十四

序

記

跋

卷之二十五

雜著

卷之二十六

教書

上樑文

箴銘

告祝文

祭文

哀辭

卷之二十七

神道碑

卷之二十八

神道碑

卷之二十九

神道碑

卷之三十

神道碑

碑

卷之三十一

墓碣

卷之三十二

墓碣

卷之三十三

墓碣

卷之三十四

墓碣

卷之三十五

墓碣

卷之三十六

墓碣

卷之三十七

墓碣

卷之三十八

墓碣

墓表

卷之三十九

墓表

卷之四十

墓表

墓誌

卷之四十一

墓誌

卷之四十二

墓誌

卷之四十三

墓誌

卷之四十四

墓誌

卷之四十五

墓誌

卷之四十六

墓誌

卷之四十七

諡狀

行狀

卷之四十八

行狀

卷之四十九

行狀

卷之五十

行狀

陶菴先生集卷一目錄

詩

即事

黃梅洞

夢作

偶吟

松都清香閣

竹橋聽童歌

感舊

曉意

述懷示同志

贈榮州權生舜元

次金台丈字杭見示韻三

沈參奉榎挽二

園室夜話題贈申寧海奎求和

出城

月精寺

上院寺

九月既望題靈鑑寺

清涼十二詠

島潭即事

感懷寄同僚求和

喜雪示右史求和三

攀和御製

攀和 大報壇御製

赤裳山城和龍潭金使君鎮玉韻

城西即事二

拜六臣書院

禁省記夢示從弟汝剛綵兼東花田諸兄二

平川君申公琬挽二

次丈巖鄭丈浩見寄觀漲思歸韻

清風溪同庚會

李宜寧志夤挽

志感

望妙香山二

次江界府伯權公楷詠桂氏旌閭

禹進士洪傳挽

洪持平萬迪挽

李判書益壽挽

靜觀齋李先生端相遷葬挽五

賸洪惠伯五臺之行

訪蒼玉屏

經古戰場感古

過楸木村記所見

登斷髮嶺二

飛虹橋

長安寺

三日浦

訪金欄窟遇風不果行

次圃隱駕鶴樓韻

元山

次高州板上東岳詩

送秋

咸關嶺

洪原館遇趙生灌話舊仍次立巖韻

又次

觀城館次立巖詩

居山驛謹次先王考議政公板上韻

憩金藏寺

朱村館和鄭通判厚卿東後〇三

入鏡城

輸城館次宋東萊象賢韻

兄弟巖

寧山館寄懷

行望闕禮

茂山府二

聽人談白頭山

豐山堡

會寧府三

韓平李都護基泰重新靜邊樓以落之

慶興道中

西水羅

觀日出

叙懷

復次前韻

和厚卿寄來古詩

和厚卿折菊花并詩見寄韻四

夕烽

載筆堂呼韻同賦八

拈韻四

觀獵呼韻

夜話呼韻二

朱村館敬次畏齋李公贈外王考閱文貞公韻

明川府志感

哭黃聖運啓河〇六

金農巖夫人挽

孟監司萬澤挽

柳弼善成運挽

別嶺南伯李德哉宜顯

韓參判聖休挽

春興

夕眺

登杏湖亭子二

聞鶯

即事

奉謝逋債

送通信從事李美伯 邦彥〇四

姑夫洪尚書 受憲 挽七

沁州壽席次竹泉金丈 鎮圭 韻

金丈歸後宿洗心齋追步前韻

別海西伯李德哉二

慎侍直 爾憲 挽

李監司 海朝 挽二

感懷錄呈韓書狀 重熙 行軒

遊杏洲

韓中丞 永祚 挽

吹笛橋遇樵叟

曉聞禮佛

懷舊遊追贖茂朱洪使君 重衍

廣陵道中二

奉別權令文懋歸連山

金臨陂時澤挽

感吟

險川行

柳安邊泰明挽

贐尹書狀季亨陽來

別江界府伯李和卿相成

趙子以尚健亡嫂挽

為庶從叔子能晚增氏賦八咏

洪大諫禹瑞挽二

申學士正甫靖夏挽二

韓司諫永徵挽

李畱守震壽挽

華陽興巖兩書院 御筆揭額實斯文大慶也

諸公有詩相和謹步其韻

即事

黃判書欽夫人挽二

趙子以大夫人挽

李相國濡夫人挽

初夏

徐信川 宗標 挽

聞金友必亨擢第寄詩致意

金新寧 胤豪 挽

金參奉 性豪 挽

看栗翁集 二

西原府夫人挽

肅宗大王挽 四

書與麟兒

元月十四夜

詩謝楓岳彥上人寄元日繇辭次其韻 二

趙子以挽

過杏湖亭子

曉臥吟

月夜呼韻命兒輩仍自賦

漫吟

光恩君金公 鎮龜 夫人挽

俞判書 命雄 挽

李大司諫 德英 挽

李領府事 濡 挽

韓僉知 錫 挽

權慶州 煨挽

李右尹 世晟挽

市街謠

陶菴先生集卷一

詩一

即事 丁卯○先生八歲時

門掩草堂靜人閒事事幽游魚思碧海睡鶴夢滄洲


黃梅洞 丙子

春後殘花點碧山一筇清興白雲間笑他露積峰前水何事奔流不暫閒

夢作 丁丑○夢得末句覺後成首句

汨汨紅塵裏郊園入夢頻江湖月明夜誰是拂竿人

偶吟 庚辰



囊窄詩難富樽盈興不貧眼前天地意心上古今人
阮拙元多病彭愚解養身浮生常苦惱齷齪老風塵
松都清香閣

明月依依過女墻夜深樓影漾清塘
芰荷消息何須問新得梨花滿院香

竹橋聽童歌

傍人莫唱圍翁歌故國千年苦調多
明月子規啼血恨不堪牽動竹橋波

感舊 辛巳

篋實曾傷逐月陳思良不獨為家貧
青春何所無芳

草白雪元來少和人平日如磋真益友
八年相敬又嚴賓願將哲範貽新婦
昕夕怡顏上奉親

曉意 壬午

曉意如春夢依微半醉醒先生虛室白
快露遠山青天地寧長夜朝曛自化扁
吾心即一理昏處喚惺惺
述懷示同志

嶄嶄大行險擾擾蠻觸鬪魯郊悲獲麟
虞廷無儀鳳我生苦不辰造物胡太弄
所幸為男子有材宜樑棟世事不如意
虛名但驚眾爐金誤一躍荆玉悔三貢
出關梁鴻噫憂時賈生慟富貴本非願
行藏要得中

有意舉家隱夢想烟霞洞聖人有遺經大道醒羣管
於焉得所歸言行俱折衷恢我好心地醫我大病痛
工夫鳥習飛衆理春釋凍一簣足成山萬里期縱鞚
文章亦餘事韓歐可伯仲此心矢不負茲言聊自諷
浮榮解桎梏萬事常倥偬所以今世人生醉而死夢
草木易同腐歲月莫虛送達士如在傍笑我徒筭甕

榮州權生

舜元

治經不成名余相識于泮舍傷

其年老歷落詩以慰之後六七載來訪歡然語
故榮是永嘉比邑余因問黃池之勝生道之壘
壘可聽又言黃池之東三十里至陟州界有長

生面洞府幽邃地勢夷豁土肥沃與黃相埒景
趣則過之上產靈芝採食令人忘飢下有大川
由太白發源縈帶折旋清澈可愛或匯爲溪潭
或鑿成石門地志所載五十川是已洞中籬落
纔十數其姪某搬家入住云余疾痼烟霞夢想
幽境聞此不覺神往此豈天地慳祕以資我鹿
門之隱耶遂口號短律以致乞山一半之意
黃池東去別乾坤洞裏仙家凡幾村芝草療飢人綺
皓秋禾靡稅地桃源天低絕峽開成野水鑿層崖巧
作門鬼祕神慳應有待他年叢桂許攀援

次金台文

字杭

見示韻

癸未

歲序隨流水吾心負惜陰瞻依天咫尺慚愧地嚴深
懶作撚髭苦時成抱膝吟請看松柏樹不受雪霜侵

其二

高風凋萬木庭月不成陰列戟周廬肅簪毫翰苑深
喜從床下拜愁和郢中吟良夜宜清話明朝百事侵

其三

大隱金門裏周旋長者間風塵胡局促天地自寬閒
忽忽黃花節迢迢謝朓山重吟林下句千古幾人還

沈參奉
榘挽

泮水青春聲價潛郎白首沉淪窮通在數無奈經籍
傳家有人

其二

人間百年存沒座上三日馨香怙悵金陵舊宅秋來
松菊荒涼

園室夜話題贈申寧海

奎

求和

甲申

歷落申文甫頎然好丈夫幾年官嶺海中夜憶江湖
鬢雪緣愁得詩魂倩酒呼炎蒸一旬苦無忘在金吾

申獨引一大卮自道欲
招詩魂故第六句及之

出城

曝史
行時

跨馬即千里出城方九秋詩應得神助天幸倩良遊
溟渤行將涉蓬萊若可求同携明月色倚遍幾高樓

月精寺

漢時滄海郡羅代水精樓僧定雲棲塔龍歸月在湫
客行當既望山意忽淡秋盡日冥搜遍楓杉萬壑幽

上院寺

籃輿三十里攀石更捫蘿寺古雲常宿天寒桂自花
鳴鐘一僧在落木萬山多 聖祖停鑾地沉吟到日

斜

九月既望題靈鑑寺

高堂親老病王事我淹留杳杳瞻雲夕陰陰落木秋
萬山孤寺在千慮一燈幽安得傳平信因之詫壯遊

清涼十二詠

玉立十二峰問誰為第一僧言最高處正好迎朝日

第一

其二

奇哉佛祖力削出三層塔不管寺興廢千年空自立

金塔

其三

十丈新開朶妍妍半出天相看似相笑知我是青蓮

蓮花

其四

箇中真面目朝日照香爐恨無千丈瀑飛灑半天隅

香爐

其五

月畱曾喚地雲戀舊棲巔我來峰下宿應有夢中仙

仙鶴

其六

天光銀漢近霞氣赤城遙月上僧歸定猶應聞紫簫

紫簫

其七

衆峰拱其下仰之如丈人偃蹇烟霞態千年不到塵

內丈人

其八

突兀羣峰外亭亭兩石丈俗子不曾攀孤雲時獨往

外丈人

其九

尖峰天畔立恠底名爲筆客來尋舊迹下有金生窟

筆

其十

隋書先生集卷一

月照影全圓雲生光欲滴化翁真巧思故置筆峰側

硯滴

其十一

仙人去不返白雲天際寒青山萬古在猶學舊飛鸞

紫鸞

其十二

昨訪退陶舍遙懷洙泗風酩酊三盃酒長吟下祝融

祝融

島潭即事

峽靜湖光合沙明水岸齊月臨蓬島小星入石門低

天地茲邱勝琴尊我輩携夜淡風露下帆影數峰西

感懷寄同僚求和

小寒時節雨頻來天氣如春花欲開 明主也應潛

禱雪傍人但道慣聞雷朝廷草草論思策宇宙寥寥

變理才憂國小臣空感慨看書坐到曉鐘催

喜雪示右史求和

凝陰近臘雪如期平地鋪來一尺奇晴旭出時銀海

眩九天宮闕玉參差

其二

雪色窻明坐寂寥殿西松竹聽蕭蕭無端一夜青綾

陶菴先生集卷一
夢猶自騎驢過野橋

其三

彤管詞臣臥直廬經旬病渴更何如嘉平此去猶多
日瑞白須君不一書

攀和 御製

王有君人言天應錫萬稔春和方議賑日昃常忘飢
華祝聖猶辭抑詩謙愈甚願言存此心恆若淵冰凜
攀和 大報壇 御製

日吉明禋奠璧親恭將彤管紀王春精誠享 帝焄
蒿愴文物從周佾舞陳今夜瓊壇瞻黼辰百年天地

愧冠巾生成至澤邦猶活永願真遊左海邊

赤裳山城和龍潭金使君 鎮玉韻

譙樓一出萬山斜繫馬應知落澗花勾漏丹成須見
憶天東紫氣隱朝霞

城西卽事 丙戌

垂柳陰中一徑斜柴門雞犬似仙家閒來携杖移時
立好鳥翻飛落晚花

其二

燕語鶯飛白日斜春光歸去屬誰家池塘四月生顏
色開遍薔薇滿架花

拜六臣書院

蒼茫獨立鷺江祠老木烟波欲暮時回首 魯陵新
象設九原忠魄不須悲

禁省記夢亦從弟汝剛練兼東花田諸兄丁亥

愛聽承簷雨還成倚几眠郊園歸恍惚松竹看依然
花發青山郭人耕白水田覺來空佇立宮漏午時傳

其二

苦憶吾廬好休官幾日旋風塵閒歲月夢想故林泉
野樹啼農鴈山花落杜鵑遙吟青草句歸思滿春天

平川君申公琬挽

宿德平川老吾猶及典刑宣綸記門館正笏見朝廷
氣已收維嶽精應化列星王家又餘慶彤管屬寧馨

其二

廊廟安危繫江湖進退憂民方望司馬天遽奪楊侯
忍說秦春輟才驚羿殼遊風濤浩無際回首憶商舟

次丈巖鄭丈維見寄觀漲思歸韻

雲林乍別便思歸城市尋常塵滿衣遙想仙舟乘漲
去白鷗無數下漁磯

丁亥十月廿六日余與金必亨濟謙洪惠伯啓

迎吳明仲晉周尹鳴叔鳳朝會于清風溪俱同

庚也遂結社約以一歲再會酒後口號一律以
記之仍要諸公俯和

十月楓溪真率會黃花赤葉亂蕭蕭蓬桑壯志俱同
歲松柏貞心共後凋洛社畫傳應異日奎躔星聚且
今宵酒醒日落方歸去佳節年年許更邀

李宜寧

志爽

挽

禁直岩巖接院司夜中燒燭憶論詩官微郎署憐三
絕地近庭闈喜一麾鳧鳥未歸魂已斷鯉書纔到死
還疑洋州去後人皆俗貧谷寒梢萬古悲

志感

戊子

玄陸凝陰盡青郊淑氣新還思大寒日那意此陽春
世道寧長否天心本至仁書生空感慨四海尚胡塵

望妙香山

驄馬遲遲發香山却在前方知真面目未了宿因緣
乍見還千里相期且壯年螺鬢如有意送客過熙川

其二

咫尺神仙宅蒼茫遊子行不因王事重直可世緣輕
花柳迷西塞雲霞護赤城平生孟陽戒駐馬謝山靈
江界人桂秀芳死於深河之戰一家三人同死
忠節卓然後九十年因府伯權公楷疏請命

旌其閭余暗行時過其門而式咨嗟感歎久而不能去及巡到本府桂氏子來示權公詩輒和其韻畱示邑人以爲激礪忠義之一助云

萬里乘驄客江邊問俗歸一門三節義行路亦光輝

禹進士 洪傳挽

達城吾桐鄉人才擅南紀禹丈有賢子文行全厥美未見已情親聞名自童齒所恨雲樹阻佳期杳千里往者歌鹿鳴訪余洛城裏眉宇得清真腹笥皆經史操管入場闡揚袂游璧水一舉即成名鵬騫從此始馳書報吉還喜氣動桑梓老親知子來門閭終夕倚

鄰里聞君歸醜酒惟日埃但言朝暮見誰復疑生死凶音一朝至慶弔頃刻是哀哀崩城哭一慟仍不起相隨重泉下曾不移日晷慘悽湖嶺交旅櫬中道止遺橐一試幅銘旌新進士行路亦淒咽猿腸竟何似憶君方戒裝余作衣繡使恩恩闕庭別相勉慎行李驅馳半年歸存沒遽若此脩短各有命天道莽難恃胡不假日月歸見親顏喜逝者定不瞑此恨寧有已灑涕滿南雲挽歌替哀詠

洪持平 萬迪挽

百年詩酒擅風流三別荆珍晚見收雷肆執經慙接

武星堂添燭憶同遊卽看 聖代虛瀛館誰遣清都
記玉樓落日門閭猶望眼幽明此恨定難休

李判書 益壽 挽

冢宰門庭似水清布衣心不改平生直言早結 明
君契廉節非要濁世名夢叶瓊瑰纔退食望孤台鼎
孰調羹時危倍切云亡痛不獨通家四世情

靜觀齋李先生 端相 遷葬挽 己丑

先正旣云邈世道日以非小子生苦晚未摳門下衣
墮埴名利塗出入善惡幾清風激懦肝百世願依歸
恭惟真氣象鳳凰千仞飛嗚呼不可見歎息屢噓唏

其二

赫烏卿相門岩巍金華廬榮名誰不羨富貴固在余
自非介石貞誰回中道車棲遲邱壑間所樂在詩書
聖人譬蹈刃此語諒非虛所以恬退人千古數錢疏

其三

大易祕圖象至理包乾坤逍遙弄丸窩默契先天言
靈臺瑩而靜洞觀萬化原若見伏羲來一破羣蒙昏
瑤琴絃中絕古音不復存不識入道門焉知山斗尊

其四

睠彼靈芝洞杖屨之所遊池華湛寒月肅然精爽留

當時格致志直欲回大猷感慨三秀詠蕭條拱木秋
堂封再改卜林澗如含愁魂兮又何懷樂哉先人邱

其五

龍亡大澤空舞鱗一何多滄桑屢變易世事欲無吡
華陽既寂寞泯水空寒波獨有過庭者抱經守巖阿
皓天恐不復吾道竟如何悠悠千載名不廢有江河

贖洪惠伯五臺之行

翰林官味齒曾酸猶憶名山曝曬還孤鴈不堪飛漢
塞青牛誰復出周關眼窺三百年來史行遍東南海
上山宿債祇今畱峴首憑君豪句發天慳

訪蒼玉屏

夜宿楊門驛朝尋蒼玉屏窩空山寂寂峽轉霧冥冥
溪水侵樽石巖楓落廟庭精神千載後寒月滿虛汀

經古戰場感古

曾聞此地喪王師落日躊躇獨詠詩田父耕時多戰
骨忠臣死處有遺祠寒烟宿莽傷秋色老樹長川閱
古時身後不須論勝敗蒼苔虛蝕柳琳碑

過楸木村記所見

赤葉黃花處處村柴門雞犬似桃源峽中猶有太平
象白髮老翁閒抱孫

登斷髮嶺

冥冥雨色滿蓬壺咫尺千峰却有無半日登臨窮萬
變雪山銀海便須臾

其二

宇宙扶輿淑氣鍾半空撐出玉芙蓉不愁關塞三千
里且看蓬萊一萬峰海闊童船何處覓月明笙鶴若
相逢烟霞踏盡方歸去到底扶吾有短筇

飛虹橋

九月清霜赤葉凋萬山淡處隱松寮欲尋蓬海三千
界先渡銀河第一橋

長安寺

度樹穿磴間幾重人間有路接瀛蓬未醒新院村中
酒來聽長安寺裏鐘落日危橋虹飲水晴天列岫雪
堆空茫茫浩劫沉吟事却共山僧倚晚松

三日浦

秋日晚湖清水天相與明鴈依沙際宿人在鏡中行
返照樓臺影隔林鐘磬聲靈龜又獅子巧刻為誰成
訪金欄窟遇風不果行

元來溟渤少安流頃刻風濤莫漫愁千古畏途惟宦
海幾人臨岸却停舟

次圃隱駕鶴樓韻

天涯客思倦登樓
圃老詩篇萬古留
山勢北來重嶺壯
邑城南去大川流
絃歌雜沓娛清夜
風雨淒霏送晚秋
望裏白雲飛不盡
長途鞍馬幾時休

元山

征馬滄溟外
元山大野邊
村臨直北道
門泊二南船
星燦漁燈曉
風腥晚市天
雨中波浪湧
長嘯意茫然

次高州板上東岳詩

幾日門閭倚夕暉
寒風斃盡手縫衣
看雲陟屺連年事
書劔初心悟昨非

送秋

風雨蕭蕭斷送秋
縣齋殘燭坐搔頭
與君又是經年別
爲客偏知此夜愁
落木寒天傷遠望
黃沙白雪擁行輶
邇來却喜光陰疾
窮臘方須返故邱

咸關嶺

盤泥石棧共縈紆
名與雙磨壯八區
樹杪籃輿穿霧度
風前官角入雲呼
身臨絕頂天如近
眼盡滄溟地却無
日下長安看更遠
夕陽征馬且徐驅

洪原館遇趙生

灌

話舊仍次立巖韻

度嶺身全倦
逢人眼却明
沙鷗翻落照
喬木立新晴

孟外滄溟闊吟邊大野平收將送秋恨重說十年情

又次

洪原縣裏卸征鞍近塞秋容樹樹殘蓬岳雲迷懷蠟
屐杏湖波闊夢漁竿孤城笳鼓人催老絕域風霜菊
傲寒朝日欲登穿島望詩愁牽動海天間

觀城館次立巖詩

官角吟風俯海灣醉憑豪句發天慳孤城細雨獨歸
客落日重雲何處山一出陽關少青眼前臨蜀道換
朱顏寬心賴有還鄉夢每夜長安咫尺間

先王考議政公以中丞論三大臣竄甲山直聲

震一時後四十三年不肖忝佐北幕過居山驛

壁上有舊題詩不勝感愴輒敢附和于後云

十月關河北天寒欲雪時倦遊書劍客感涕壁紗詩
嶺近山圍驛樓高海作池行經吟鵬地征馬更遲遲

憩金藏寺

落日金藏寺清遊玉帳賓邊陰不成雨山色似迎人
積葉微分徑桃花易失津僧言最淡處眾壑玉嶙峋

朱村館和鄭通判厚卿

東後○自此及
還并與鄭酬唱

諫草何曾動 玉旒腐儒還愧贊戎籌相逢各記經
年面遠役渾忘一月愁畫角吹殘關塞雪黃花開似

故園秋邇來知長夔州格秉燭看詩更刮眸

其二

窮陰漠漠塞雲頑客子來時雪滿山戀主遙瞻青
瑣闥逢人忽是鬼門關三年笳鼓邊城淚萬里衣冠
故國顏秉燭相看真似夢獨憐羈鬢已全斑

其三

十月邊風勁黃花冷不禁地臨滄海盡天入鬼門陰
萬里朱村夜平生白雪吟孤燈耿無寐相對歲寒心

入鏡城

日落轅門風滿旂胡笳三弄使人悲孤城雪後客初

至絕塞霜前鴻已歸四境塵清閒草檄長途身倦廢
吟詩天涯歲色駸駸暮燄盡高堂手線衣

輸城館次宋東萊

象賢韻此以下郵筒往復

萊海驚濤夜撼城忠臣遺恨未誅鯨也應氣作山河
壯撐柱乾坤永不傾

兄弟巖

雙巖從古弟兄名對立亭亭似有情人世百年終鮮
恨夕陽回首白雲橫

寧山館寄懷

孤城四面亂山斜客子悲歌和夜笳十月風霜凋白

草百年心事對黃花
運籌樓壯愁仍破
載筆堂空望更賒
故人青眼如相見
驚喜還同已到家

落句平仄用賈至大

明宮體

行望闕禮

祥雲掩曖 殿牌傍客館
庭東虎拜踰幕府行裝携
匣劍侍臣衣袖滿爐香
星環北極瞻宸幄日出東瀛想
耿光千里塞關天咫尺
夢魂前夜趁鷓行

茂山府

東流豆滿發源初
破壁崩城百戰餘
區畫始聞南相國
腥羶曾是北戎居
一方都護新開府
萬頃良疇古

廢墟 王化即今無遠邇
行看閩越戶詩書

其二

百尺譙樓橫歲暮
高歌醉眼望胡天
車踰嶺險無方軌
豆滿江溪豈斷鞭
三甲要衝元此地
六丁開鑿問何年
殷勤寄語申都護
宵旰宸憂在北邊

聽人談白頭山

壯觀憑君得快論
白頭勢欲敵崑崙
崙北蟠大陸無天地
東走千山若子孫
緩嶺細開三水路
深淵遙發二江源
明朝試上南峰望
積氣中間目力昏

豐山堡

愁絕孤城對朔雲三盃薄酒不成醺
家人見月應懷我旅舍挑燈更憶君
京洛音書何日到華夷疆界此
江分天長地闊無歸夢敲枕邊聲
夜夜聞

會寧府

慘悽風雲接地陰胡笳夜夜動悲吟
書生白羽安邊略都護青驄伏櫪心
燕塞古碑增感慨庾樓明月倦登臨
主恩如海身方健不怕天山丈雪深

其二

清時豈是厭承明年少雄心欲請纓
弧矢四方男子事旌旗萬里女真城
將軍大獵雲沉磧戍客悲歌月

滿營北望神州天尙醉龍泉空作不平鳴

其三

于今 聖代息邊塵敢說吾行足苦辛
出塞胡山麤面目登樓雪月爽精神
魯連遺恥臨東海工部悲歌望北辰
到處 王靈知有藉今年關外暖如春

韓平李都護

基泰

重新靜邊樓以落之

譙樓千尺朔雲陰興廢悠悠感古今
睥睨平臨榆塞關闌干俯見豆江深
百年湖海元龍氣萬里關山老驥心
寄與新詩當賀燕寒天倚劍更長吟

慶興道中

客子天寒後邊城歲暮時行尋西水堡且詠北山詩
日月生青海風雲護赤池明朝馬東首京洛是歸期

西水羅

鼓角緣邊郡行行月幾彎孤城三面海京國萬重山
地盡人將返天長雁未還蒼茫島嶼外坐羨白鷗閒

觀日出

扶桑繫馬曉熹微快觀陽鳥萬里飛盪海初疑金鉢
浴烘雲遙作火城圍赤龍鱗甲翻翻動黃道旂幢閃
閃歸宇宙即今長夜裏何由照遍大明暉

叙懷

萬里陰風卷旆幢元來夷夏限長江幾時邊塞無乘
障從古高樓有受降 聖代干城資妙略迂儒詩酒
瀉愁腔故園知在雲天外朝夕胡山自滿牕

復次前韻

六鎮開成 世廟初山河猶是戰塵餘邊疆舊限先
春嶺蕃帳今無老土居北地人民盡絃誦 中朝文
物已邱墟茫茫浩劫何時了獨坐沉吟閱古書

和厚卿寄來古詩

自我來北幕酬唱凡幾日故人富述作古詩為第一
耿耿歲寒心開緘已相悉想見揮毫時辭蹙而情溢

十月天雨雪窮荒寒慘慄回轅望雉城爲君驅且疾
年年關河道行役何時畢始知下澤車絕勝千里駟
峨洋爲誰彈孤桐橫我膝浮雲西北來頃刻互相失
感此長歎息呼燈更拈筆遙遙白頭山豆江此其根
江水日夜流我懷竟難緩朔風卷飛蓬積雪擁征轅
荒城鼓角悲未暮常閉門美人在天末期我以黃昏
遠遊從此始離別那復論

和厚卿折菊花并詩見寄韻

朔風捐菊芳嚴霜被蕙晚采采欲遺誰佳期空婉晚
惜此馨香歇日覺朱顏損去歲花村雪尋梅跨驢蹇

山川非故國道途一何遠王事敢言勞人情自懷本
漢庭盛才俊臺省登袞袞獨憐廣文翁流落久不返
萬里同爲客詩來見心悃勗哉後凋節託物仍繚綣

其二

孟冬天氣寒北風凋白草使君東閣下黃花爲誰好
芳馨恐消歇采采不盈抱謂我同心者予以遺遠道
應知前夜雪枝葉半顛倒臨風更三嗅寒英猶未槁
片時東園花灼灼何太早吁嗟世之人晚節鮮自保
與子歲寒心持此以爲寶悵望復何言南山松柏老

其三

憶我辭京闕風雨屬重陽掇彼東籬菊泛此親友觴
離觴不盡意各已天一方邊城十月雪寒花猶自香
花開一何晚我行一何忙折花且滿頭三歎懷故鄉

其四

相思復相思故人在鏡城迢迢大江流漠漠暮雲生
坐讀聽雨詩藹然千里情北風吹斷蓬孤鴻何處征
乍別怒如飢既觀心即平戍角動鳴鳴關月明三更
輾轉不能寐郵筒且寄聲

夕烽

欲憑烽火報平安遙想家人向夕看萬里關河雲霧

裏憐渠那得到南山

載筆堂呼韻同賦

遠客歸時天正寒孤城門閉角聲殘共傾玉帳蒲萄
酒却笑長安苜蓿盤爭得歲華添鬢雪捲來滄海助
文瀾乾坤跌宕須吾輩萬里關山縱大觀

其二

今宵新月又窺簷雲外終南入夢尖聯榻幸逢金玉
友登盤惟有水晶鹽詩愁滿面眉常皺時事驚心口
欲箝歲暮邊風吹雪急莫教來着少年髯

其三

瀟灑三衙接四衙肯將絃管競繁華醉時豪氣看雄
劍夢罷鄉愁入斷笳故國書來先喜鵲孤城雪後下
啼鴉長安此去千餘里比却君家不是賒

其四

何遜看梅嬾出衙緣詩贏得鬢絲華故園歸思山當
笏戍壘寒聲月滿笳愁裏可堪書斷雁醉來惟有墨
翻鴉今宵一夢趨丹陛不道關河萬里賒

其五

相將罇酒醉官衙憶我辭家菊有華客枕元來長少
睡戍樓何事更吹笳文章自愧如斑豹時象堪嗟莫

黑鴉平日赤心期報國敢言關塞道途賒

其六

詩酒風流盛兩衙塞天雲物動光華時平不用著生
檄歲晏偏傷戍客笳永夜邊聲聞牧馬夕陽羈思數
歸鴉夢中欲覓來時路關嶺連天古驛賒

其七

隴雲關樹摠情含愁聽寒城笛弄三十月風霜來漠
北三秋橘柚夢江南玉盤纖手淡淡酌孤燭青眸欸
欸談半世詩名真忝竊逢君大手詎無慙

其八

隋書先生集卷一
起看孤月半山含戍角寒更已報三心似星辰環極
北夢隨烽火到終南關河歲色催歸思幕府風流騁
醉談萬里江湖波浩蕩舊盟吾向白鷗慙

拈韻

兩鬢蕭騷雪欲侵小燈殘角夜沉沉華筵絲管無心
醉荒徑松筠有夢尋十日鏡城詩百首一書京國字
千金臨分共指浮雲去何處人生不盍簪

其二

詩愁旅恨動相侵畫角吹殘塞日沉滄海鷗邊波萬
里陰山馬首雪千尋神光舊識衝星劍佳句今聞擲

地金苦說歸田歸不得十年塵土愧纓簪

其三

休言胡馬絕南侵志士千秋歎陸沉中土卽今長夜
晦先春何處古碑尋伊吾老將思鳴劍幽朔精兵樂
粧金倚醉高歌心激烈幾時寰宇盡冠簪

其四

忘年自許斷金朋穩話燒殘夜夜燈愁裏酒功如破
敵古來詩字恥無僧風塵已決三宜去才器元知百
不能渺渺故山雲萬里海天歸思竦鞞鷹

觀獵呼韻

三百豪鷹快意呼風毛雨血灑寒蕪却從元帥高臺
望欲作天山大獵圖酒後論功人與狗原頭獻馘雉
兼狐朔方身手雄如虎便擬長驅北擊胡

夜話呼韻

登高時節別秦京冬至陽生滯塞城古戍傳更聞角
動清尊畱客到參橫雄心欲辦黃龍飲幽夢空尋白
鳥盟雪後寒風吹更急瓊樓夜夜不勝情

其二

白面何能運幕籌丹心猶自戀瓊樓憶從粉署含雞
舌愁見陰山擁馬頭遠役連年寧告勩狂言驚俗欲

追尤即知報國無長策只合將身退急流

朱村館敬次畏齋李公贈外王考閔文貞公韻
鬢白攀車不忍離絃歌一縣百年思今來莫問襄陽
石尚有遺民涕淚垂

明川府志感

孤城絕塞古明川吾祖當時此北遷潮海諸生渾白
首湘潭故宅已荒田鬼門冰雪一千里人世悲歡三
十年書劍獨來懷往迹傷秋詩句至今傳

哭黃聖運

啓河

兄弟巖前送夕暉朔風吹雪滿征衣故人凶聞此時

至客子長途何日歸斷角三聲空涕落生芻一束奈
心違天高海闊無窮思落落晨星看更稀

其二

同時鵷列盛羣龍敏達才猷少似公英氣每看眉睫
際真心全露笑談中肯將憂樂論先後永擬行藏共
始終末路誰言交道喪曾聞日省在謀忠

其三

移宅纔成偪側居論交已是十年餘通宵與語寧知
倦隔日相逢且恨疎關塞遠遊常念我泉臺此別最
憐渠還家更忍披箱篋觸目傷心盡手書

其四

去年持斧共行邊今歲爲官各檢田原隰賢勞知孰
最漳濱羸疾却同憐貂裘辱贈情何極藥裹相隨涕
自懸風雨重陽如昨日誰言死別即離筵

其五

榮名虛歷鳳凰池浮世泡漚事事非也識勞生緣報
國空令後死獨憂時一鳴仗馬寧辭斥萬里雲鵬不
盡飛從此相人吾不敢許君曾以廟堂姿

其六

歸日靈帷一瓣香忍將何語慰存亡猿腸屢絕無餘

淚雁影全疎失幾行脩短悠悠同化土功名草草半
炊梁淒涼後事中郎女想見呼爺泣繞床

金農巖夫人挽

名家襲訓配儒宗早識閨儀著懿恭鸞誥浮榮渾作
夢鹿門清操共爲農蕭條翠竹無停鵠邂逅滄波有
躍龍執紼向來門下士山頽遺慟重沾曾

孟監司

萬澤挽

庚寅

曾聞游覽遍寰東禁掖清談似夢中碁局可觀經國
手筆端知有正心功承家惠政甘棠在礪世廉名苦
蘖同滿目艱虞空涕淚九原無路起吾公

柳弼善

成運挽

每憶談文拜後塵冲襟疎態本來真栖栖天地多窮
鬼袞袞公卿半故人柏樹攀餘憐宿血荆花凋盡怨
殘春丹厓苔蝕題名處應有桐鄉墮淚民

別嶺南伯李德哉

宜顯

莽蒼望城市乖闊阻朋知同曹如昨日忽爾經歲時
近別且如此遠別那易期雄都控海蠻橫嶺限南維
念子戒長路秋暑方支離直爲王事急未敢言驅馳
民憂集眉睫案牘不已疲耿結贈言意千里應自缺
悄悄掩郊扃涼蟬夕鳴悲翹首望政聲持以慰相思

詩

二十七

韓參判聖休挽辛卯

鍾得精剛氣何曾到老衰
琴含太古意松挺大冬姿
海屋添籌盡朝堂曳履遲
千秋直臣傳原父共名垂

春興

園花寂寂一鶯鳴
野水翻翻雙鷺明
扶杖溪西春日夕
數村桑柘看烟生

夕眺

病起有佳興岸幘倚前楹
池花晚更鮮墟落孤烟生
牛羊各下來亂蛙無數鳴
江光忽已暝野水猶自明
眷言西隣老聊同沮溺耕

登杏湖亭子

江色槐陰裏潮聲夕照中
雙魚鱸白雪細酌醉春風
客至休爭席鷗來不避篷
欲憑詩寫景爭奈畫難工

其二

病起春全晚江行興自牽
尋花過酒社隔柳喚漁船
鳥沒空雲樹潮歸淨海天
葦魚時尚早佳約月重圓

聞鶯

薇花寂寂對孤眠
風送流鶯何處邊
病後衣冠慵不整
尋聲忽到柳陰前

卽事

雨氣連江生晝霞卷簾樓閣似仙家松篁已喜開三
徑書史要須讀五車雛燕毛成初掠水遊蜂聲鬧競
含花睡餘閒味無人覺汲取清泉手煎茶

奉謝逋債

江色當高枕林風滿小橋崇朝雨連野前夜月從星
有信潮來往無心竹醉醒閒居觀物理啼鳥隔林聽

送通信從事李美伯

邦彥

五月蠻烟迷海國仙槎此去幾時還遙知游子瞻雲
意三百詩中詠北山

其二

船頭出日曉蒼涼螭陛依稀近 耿光聞道扶桑繭
如甕歸將五色補衣裳

其三

漢廷休數陸生才越橐千金亦陋哉海底驪珠明月
色不妨採取滿船迴

其四

空山積雨閉溪齋匏繫浮生忽自哈一日帆風數千
里離魂直到沒雲臺

姑夫洪尙書

受憲

挽

吾祖門闌慶東床喜得公相將冰玉質見許棟樑功

陶菴先生集卷一
元祐完名最中書令福終靈光瞻獨歸孤露賴旣幪

其二

山立風儀儼淵停德宇淡淡中醇酒味寒後老松心
清畏人常識謙如力不任文章亦餘事三歎有遺音

其三

世道消長際危機震撼時在瀾雖已倒喬岳不曾移
進退心如血艱虞髮盡絲當今人物論公有大臣姿

其四

野渡舟橫久風濤望渺然身閒清隱几客至冷無甍
邱壑存深趣琴書樂暮年自能忘寵辱豈必待車懸

其五

槐棘班常逼鹽梅望竟孤時危忍天奪病甚已人扶
未起東山臥空傳洛社圖寒花爲誰發秋圃日荒蕪

其六

杖屨追陪地兒童已二毛瞻依門偏側薰挹氣清高
每荷提撕切多慚賞譽叨百身人欲贖私慟倍吾曹

其七

尚憶床前訣蒼黃涕泗流击歌方日昃夢語祇時憂
箕宿精應返秋天氣忽收山邱不盡慟那忍過西州

沁州壽席次竹泉金丈

鎮圭

韻

倚檻譙樓夕抽書石室時萍蓬幾聚散蒲柳半凋衰
北海開賓榻南山對壽卮薄雲明返照離思更臨歧
金文歸後宿洗心齋追步前韻

客散空啼鳥幽齋獨臥時猶存三宿戀忽覺二毛衰
海氣迷歸騎秋花映別卮仙山鰲背近朝日問前歧
別海西伯李德哉

千尋喬木拂青雲海臬宸憂兩世分玉節西來驚
老吏黑頭元是舊郎君

其二

石老祠前秋草淡寒潭明月獨傳心煩公千里湖山

外絃誦家家起絕音

慎侍直爾憲挽

生晚猶聞世好敦故家文彩至今存百年冤氣衝星
劍少日高名立雪門松桂省中官獨冷芝蘭身後慶
應繁傷心素紉隨流水惟有春風返故園

李監司海朝挽壬辰

華國文章代有人鳳毛重見掌絲綸榜中可但推方
面朝右曾聞有直臣素幔遙遙隨漢水甘棠寂寂泣
湖民雲衢不盡飛騰意泉路何由贖百身

其二

金門接武似登龍寵辱同驚十載中天馬悲鳴當峻
阪仙槎快意御長風道山瀛閣嗟虛歷酒壘詩壇覺
已空臥病江城生百感欲將脩短問蒼穹

感懷錄呈韓書狀重熙行軒癸巳

悲歌憶上統軍亭萍蕩遼天萬里情鴨江依舊朝宗
路忍渡年年幣玉行

遊杏洲

雨罷月如洗江空亭欲浮微微漁艇火颯颯老槐秋
勝集還如夢孤吟未覺愁蘆花風露重格格少眠鷗

韓中丞永祚挽

吾榜多才俊三人已九原曾驚折輅險不盡擊波騫
別久憐同病時危悵獨存蕭條舊臺柏陳迹默傷魂

吹笛橋遇樵叟

曲渚秋水清平郊雨氣昏老翁坐觀漁古貌頗不羣
帶索且不冠顛毛白繽紛釣臺臨大道車馬日闐喧
視之若無人至樂中自存長揖問所居手指溪西村
班白古不戴含哺樂元元奈何 聖世氓負薪猶自
勤捋鬚笑莞爾瞑目遂無言心玄默為貴迹賤道則
尊落日下亭亭催我不畱轅歎息咏招隱俗子那易

論

曉聞禮佛

向曉風稍息山空靈籟靜虛室欲生白衆壑猶含暝
不寐聽禪誦鳴鐘又擊磬佛燈照青熒聲聲出雲迥
忽念同安戒齋心發深省

懷舊遊追贖茂朱洪使君重衍

春郭桃花水名山石室書朝霞映官酌夜火識溪漁
桑宿魂猶戀砂營計却疎洪厓本仙吏先我好樓居

廣陵道中甲午

雨後新川生綠波遙知峽水漲桃花去時馬度沙灘
淺歸日舟橫野渡賒

其二

側側孤帆似滿弓春洲空闊不禁風今宵泊在何江
岸細草飛花處處同

奉別權令文懽歸連山

蟋蟀鳴我戶禾稼既登場離索歲云晏感物起彷徨
一馬又二童問公從何方銀臺退委蛇邱原淒露霜
公惟先子友磬折延中堂亭東一間屋少小聯書床
墓木奄成拱公髮亦蒼浪次第問故舊居然盡凋亡
撫迹再三歎孤露中自傷出言皆藥石憂時增激昂
寒塔菊有華明日是重陽焉得繫公駒畱連稱羽觴

薄陰催歸袂日短意何長矯矯孤鶴性本不謀稻粱
蓼蕭叨式讌菰葦憶故鄉逝將遂初服怵惕辭未央
達士貴知足君子慎行藏鄉隣喜公至湑酒且魚羊
去時驄馬嘶歸日緋衣光何以答殊私莫謾守東崗
昨事已成昔落落復參商嚴風百卉零松柏獨青蒼
勗哉歲寒心德音永不忘

金臨陂 時澤挽

金吾傾盖荷從容永日談文似叩鐘霜鬢簿書長袞
袞夢魂雲樹自重重湖天不返孤飛鳥海岸猶存故
逕松寂寞柳車秋峽暮簫歌遙寄涕無從

感吟

嚴風號屋角缺月在林端美人不可見相思坐夜闌
惜此歲色暮掩卷空長嘆披衣步中庭星斗正闌干

險川行 乙未

驅馬渡險川雲日正曛曛水溪前夜雨老樹淒以風
昔時湖西卒同日化沙蟲耕夫得戰骨棄擲於草中
嗟嗟鄭觀察軍敗轉為功蠟書當奏凱祿位一何崇
舊鬼獨煩冤每夜哭青楓嵯峨南漢城遺恥何時終
擊節歌下泉泉水亦流東

柳安邊 秦明挽

通家少小已相親脫落皮毛摠是真戒切傷生常止
酒情深及老幾分珍嶺途巖薛回孤櫬天意蒼茫失
善人陳迹銀臺談笑地听班日日默傷神

贖尹書狀季亨

陽來

慷慨三千字如君志槩稀風泉悲國勢剝復渺天機
適越衣冠獨懷周禮樂非壯遊吾不羨虛踏虜塵歸

別江界府伯李和卿

相成○丙申

尚憶江州攬轡還幾人芳臭百年間莫言西塞山川
險危處無如貨色關

趙子以尚健亡嫂挽

子以哭其嫂返葬之中原有書乞挽誄顧余非能言
憶昨春臺雨南荒遠送君上堂辭老親情理詎堪論
阿嫂善養志足以娛晨昏鰥居有遺稚平昔荷恩勤
以茲慰母心家事猶嫂存聽者為易容則知柶範尊
雷雨下九天悲樂萃一門纔還潮海翰永負滎陽恩
老人失令婦憶舊更血痕泉塗恨難平親黨共聲吞
孰云晝燭微光輝遍鄰村書帷餘粉蔘沼泚淒蘋繫
夙與賢伯好默傷山陽魂至行天必報餘慶在子孫
余叔子能晚增氏就鳳嶺北麓編茅為屋有澗
壑蕭散之趣強余作八詠書諸屏噫余與叔差

池五六歲某水某邱俱是童子時所遊今則相
顧老大鬢髮已蒼然矣此後悲樂聚散固不可
預期而白頭隣巷杖屨過從回思今日又是少
時事顧安得不撫迹興歎也耶賦此歸之以俟
他日對評云

地僻荆扉晝自關眼明簾外即三山白雲不是無心
物倏忽奇峰變滅間

三山白雲

其二

千樹殷紅早得霜隔林佳氣識 陵崗滿山秋色知
何似落日樵歌聲短長

五陵紅樹

其三

蒼茫野色接秋濤滿地霜華月已高沙白水禽驚不
定夜淡人影下西臯

鳳嶺秋月

其四

雲陰冪野水漣漪罷釣歸來雨滿衣永夜空沙聲滴
瀝一溪秋意宿鷗知

鷄潭夜雨

其五

黃犢耕餘傍綠莎村童騎出日西斜蘆管一聲山雨
細隔溪烟火有人家

西村牧笛

其六

稻畦水熱汗沾鋤處處勞歌日未晡早晚秋堂鳴蟋蟀醉來秦缶和鳴鳴南軒農謳

其七

野氣尋常宿霧濃天明半逐度溪風點點行人與籬落相看渾是畫圖中菁川宿霧

其八

廢寺雲蘿一徑深濺濺石溜破苔陰滄浪孺子休相笑是處清流却洗心羅谷鳴泉

洪大諫禹瑞挽

豈我朋儕少如公才行難芝焚徒自歎琴在為誰彈

甌石猶寒士銘旌故諫官生芻人似玉一慟涕汎瀾

其二

翰苑如天上長懷謔浪賢少年今白髮同榜半黃泉寵辱疑春夢存亡閱逝川江湖坐寥落次第檢遺篇

申學士正甫靖夏挽

世間那復得斯人表裏都無一點塵運厄元非關子厚詩窮不獨數堯臣死生夜晝尋常理寵辱空雲變滅身牢落江湖餘短髮駉蚤虛失百年親

其二

天上岩堯有直廬阿誰獨立佩瓊琚時危仗下無鳴

馬人去江心但舊魚華國奇才嗟已矣修文異事定
何如讀書未盡猶餘恨後死那能不愧渠

韓司諫 永徽挽

杏苑餘悲又哭公榮名草草弟兄同幾年歷落風波
際半世追遊氣槩中期迫飲冰身已病禍纏埋玉恨
何窮華軒雪色偏蕭索櫪上哀嘶舊日驄

李畱守 震壽挽

清白傳家一世知先人舊好幸無違閉門苔色公餘
靜滿路棠陰去後思拙宦老來金帶重故都中夜玉
棺飛十年不盡云亡慟忍對鴿原涕更垂

華陽興巖兩書院 御筆揭額實斯文大慶也

諸公有詩相和謹步其韻

三復緇衣咏歎深恭惟 睿學篤誠欽講筵尙想春
風坐賓席如瞻泰岳臨長夜即今日月正聲從此
破哇淫 御書永鎮遺祠在寶氣應同韞玉岑

即事

寒燈斜映竹青青微雪無聲自滿庭夜久讀書人不
寐窓前時有鶴來聽

黃判書 敬夫人挽 丁酉

太宰家聲大夫人相法成教資夔膽苦治助蘖冰清

壽福仍齊美悲歡亦飽更叩盆翁八十足慰死生情

其二

縱失升堂拜常叨剪髻筵毳廚雙作縣盃酌再廻年
魯頌歌何及梁山涕泫然重泉念吾友寸草恨纏綿

趙子以大夫人挽

今世渾迷義利關一言能愧丈夫顏是兒戇直真無
忝凡婦容功摠等閒豈必牲廚爲善養幸教蠻海早
生還春林夜夜烏啼血素幔迢遙傍故山

李相國濡夫人挽

恭聞令德叶閨儀滿室瑜環福履綏鞶悅常持偕老

日竹兜曾見告歸時七旬堪慰歌盆痛數歲胡慳合
悉期東閣樽疊渾似昨驚心人事弔相隨

初夏

綠樹陰濃睡味長禽聲依舊繞書床百花落盡春如
夢客至惟聞芍藥香

徐信川宗悌挽己亥

東床屈麟趾有煥達城門屢接談鋒快常欣氣槩存
銅章百里化粉字貳公尊文雅天倫在衰遲獨涕痕
聞金友必亨擢第寄詩致意

名者衆所嫉福者神所忌富貴况來逼事事便足意

衆賀我獨憂持盈諒不易幸子無忝先深惟命名義

金新寧

胤豪

挽

粵我未生時公已入吾門撫頂如昨日童稚成白紛
自從移家來步履常源源不謂衰季際乃有古人存
古井湛然清不受塵所渾吾且葆吾真勿云城市喧
恭惟知申公清德衆所尊近者冰蘖聲南士有公言
世美真不忝升沉焉足論向聞榮省日驄馬擁文軒
七月正潦熱游子見星奔世界無圓滿人事有覆翻
嶺嶮際天碧雲樹迷歸魂琴書滿床塵宛有雙趺痕
我來自郊西哭公公不聞白首賢季在抱經守邱園

相對兩垂淚愴恨復何云

金參奉

性豪

挽

庚子

家傳清白又詩書皓首邱園樂有餘空谷無人蘭氣
遠明廷何事禮羅疎紛紛梔蠟嗟今世寂寂瓢簞
但故廬同巷後生長戀德遺經欲質更焉如

看栗翁集

平生夢寐石潭翁獨抱遺書坐夜中一點麤豪使不
得通明灑落有誰同

其二

忠君憂國鬼神知至道微言極發揮炯炯一心猶似

降者先生集卷一
昨吾非此老與誰歸

西原府夫人挽

初載舟梁 聖主來高門赫業更雲臺極知相範能
宜爾仍使輿言願幸哉身似麻姑窮海變魂隨傳說
作星迴也應塵世無餘戀惟有孫曾泣故柩

肅宗大王挽

中州天醉久東顧命吾 君睿智聰明聖詩書禮樂
文鋪舒四紀業駕軼百王勳赫赫尊周義惟應一治
云

其二

宗社無遺典乾坤有大經更來光日月發處奮風霆
精一傳心法憂勤損夢齡於戲入人澤邦本賴長寧

其三

羽衛凌霜曉天時又大冬淒雲鎖靈閣佳氣護鶯峰
寢廟何年蹕宮筵去歲鍾冥冥九疑葬蓋有二妃從

其四

不顯 前王德於昭上帝芴少爲香案吏今隔白雲
鄉莫報天高大虛論日短長懷忠忍終古徹地淚千
行

書與麟兒

濟遠
小字

詩

四十一

養爾良知長爾良能惟天所與曷不欽承入孝出恭
夜寐夙興灑掃唯諾惕若不勝革汝癡惰去汝浮矜
伎則不臧忿斯思懲步履安詳氣貌端凝讀書習字
動戒無恒毋昵有警是惟益朋門地聲華非可依憑
惟敬與謙百福乃增善惡之從若崩若登矧伊聖憲
蒙養是仍我言有稽其永服膺

元月十四夜

辛丑

微雪下庭夕皓色破山昏新月上林梢棲鳥時一喧
春氣已透土衆木猶晦根此時心境靜隱几欲無言
詩謝楓岳彥上人寄元日繇辭次其韻

吉語憑靈策仁心驗茁芽遙懷楓岳月萬壑雪爲花

其二

顯藏元一理晦處若無芽要識天機發春風樹樹花

趙子以挽

春臺把手雨紛紛嶺海猶能不死君此別何由復相
見寒天默坐對江雲

過杏湖亭子

清秋湖海一高臺點點漁舟帶鴈迴乘興獨來還獨
去夕陽無語下庭槐

曉臥吟

陶菴先生集卷一
虛明一氣夜中來屋角霜風攪夢迴村杵隣雞有底
急天機人事各相催

月夜呼韻命兒輩仍自賦

寒蛩露草自相呼觸處天機解感吾莫恠夜中三四
歎邦憂從古在江湖

漫吟

白菊天然好青松獨也貞相看無一語耿耿歲寒情

光恩君金公鎮龜夫人挽

七十事姑能盡孝山南家法正堪傳閨闈早媿名卿
德宮壺常稱命婦賢富貴險艱心似一子孫科甲慶

仍綿故都牲養夫何戀墳樹蒼然已廿年

俞判書命雄挽

列卿非不貴良貴即吾仁萬事迥然笑天姿徹底真
若教人似我直可薄還淳詩禮從兒做功名任運臻
世方機巧積邦奈善良淪病裏傷時涕遙瞻素紉塵

李大司諫德英挽

接武朝端弟及兄慈良廉素是家聲璽書增秩治爲
最原隰勞心疾已嬰丹禁纔揮抱弓淚粉旌虛帶伏
蒲榮尚懷風雪淮陽夜燒燭連床說北征

李領府事濡挽

詩

三朝位望共崔嵬福履恩榮邁古來陰雨每淡憂國
念雲雷不盡救時才樞司務靜猶開閣耆社天臨
首命盃中夜仰瞻箕尾氣公歸應慰抱弓哀

韓僉知錫挽

早識茲州有善士晚從令子叙同庚溪山湖海此身
世生長老歸皆太平壽域天教沾祿秩酒鄉吾不羨
公卿水迴洞外花明樹駐馬他時愴古情

權慶州焜挽

少年才調擅三門家世黃江族父尊每喜風稜峨解
豸同將血淚葬軒轅退飛永斷仙臆影卷跼空含老

驥冤嶺樹際天常棣暮南方恐有未歸魂

李右尹世晟挽

溪相為兄谷老甥後生何幸及儀刑德惟厖厚堪醫
俗治最循良不近名春色空傷京兆柳天文忽失老
人星湖鄉桑柘猶餘戀宅後青山更卜塋

市街謠

都門日出人如海噬嗑之象下昭垂一生穰穰利字
中得亦何喜失何吝偶有一段奇特事願因俚言達
之詩侍郎金公纔捐館聞道昨年觀察咸吉歸歸時
土宜易隨身生死何傷持作衣臨喪家無一尺新抱

錢貿布來躡脚胡不走覓門內廛答云物貴而力微
麤細長短未暇論但願勿失二斂時吾輩小人且感
激不論一錢欲周之我時家在西門外聞此擊節增
嘆噫市井尙能嘉子節天賦方知均秉彝吾聞設官
爲民非爲家胡爲民日瘠而家日肥地毛所出都括
來彼民何得保膏脂藉令明日選清吏今世公議未
可知下貪或可入此子難可希

金侍郎諱相稷字汝時延興府院君悌男之後
肅廟乙亥別試及第官漢城府右尹余作此而歲
久不能記偶於古篋中得之嗟嘆久之近聞 朝

家選廉謹卿宰諸公各舉數人而公獨不與焉吾
言果驗矣重爲感慨略題其後斯亦微顯闡幽之
義也乙丑四月甲辰又書于泉食菴

漢谷道中

五月四日吟

上雪岳山青峰

次龜灣韻

遣興

漫吟

冰灘

和龜灣謫裏見寄二

敬次仲舅星山謫裏除夜韻

春詞

人日

昭陽亭

次洪兄汝和禹諧韻三

昭陽亭別李君原明宜哲

合江亭觀漲

漫吟二

赴懿陵引日至加平阻雨志感三

春祝

申判書鉉挽

春祝二

李參議頑翹挽

趙忠翼公泰采遷葬挽

申判官思遠挽三

李忠愍公健命遷葬挽

憶清性上人

省仲父歸樂公墓二

送李生以漸歸龍崗

觀兒子益梅詩次其韻以砭之

李忠文公願命遷葬挽二

趙都正泰果挽

沈僉知磻挽二

趙利川斗彬挽

李監司漢挽

樹下睡瓠

秋日

金正言壽錫挽

閔南原鎮綱挽

洪生禹著挽二

李文學璋挽

徐監察行遠挽二

李副正志達挽

遊扶旺寺

別洪生雲紀章漢

宋同知奎賢挽

春祝

任判官適挽

贈蒼玉屏主人釣竿

李生德遂挽二

除夜

李統制使載恒挽

拜尤菴先生墓

拜圃隱先生祠

拜靜菴先生祠

魚龍仁史周挽

仁祖大王遷葬挽二

仁烈王后遷葬挽

鄭僉知湜挽

同諸君泛菊侑以陶詩仍和其韻二

盆菊二

十月二日夜宿島坪村曉起有感而作二

尹成甫鳳韶挽

漫吟

咏梅

尹都正泓挽

謝大卿庶再從弟送藤杖

恩歸亭小集

趙持平正純挽

李南平顯應挽

哭安直長重謙

次鄭厚卿韻

姜君長文奎煥挽

夜夢海昌都尉曉起口占錄奉伯玉行人瑗

次兒子立春韻

金正言壽鏞挽

金安岳昌說挽

鄭英陽焯挽

柳都事壽觀挽

韓佐郎配斗挽

寄吳左尹重周

春事

曉吟

時雨

閒行

北林閒步五

和大心從弟維

偶吟

獨坐

三月晦日二

金參判雲澤 改葬夫人合窆挽

尹水原涉 挽二

杜鵑來叫庭槐

雨坐川上

俞參判崇 夫人挽

李進士命采 挽六

趙參判彦臣 挽三

李副學秉泰 挽二

八月十日發寒泉向楓雪諸山途中口號

沿道禾穀甚茂喜賦

利川道中

示大心二

老木

原營感舊

過伴鷗亭舊址二

嘲大心衣羽衣

秋夕

偶吟

感懷

渡圓通江望寒溪

嵐橋路中

洛山觀日出二

海山亭三

海金剛二

七星石

三日浦

發向楓岳外山

新溪寺

玉流洞二

佛頂臺

鴈門嶺

眞佛菴

上毗盧峰六

天一臺

見諸大師真

望松蘿菴

地藏菴逢訥上人

出山二

龍山村

上道新舍

望雪嶽

李僉知綏挽

鄭老續昌挽

哭李生志賢

南監司道揆夫人挽二

詩謝徐會之慶普

鄭從叔水部公在堤峽寄示瞻依堂八絕曰是
吾內兄趾齋公詩而堂之名實遂菴所命而手
書之此間惡可無子語不肖少也孤情事玲孿
與吾叔同耳今於未記終鮮之句爲之三復失
涕顧隔遠松楸不能以時埽灑視吾叔何如哉
旣悲而愧且羨也况舅氏與遂翁已相繼下世
陳迹益可悲也遂敢敬次而歸之云

月林山四面幾曲徑如線鄭公老其中此意知者鮮
其二

白首風樹悲餘生更疇託依歸得梓原何所無泉石

其三

展省擬晨昏孝心長似結如今遠斯邱埽灑徒名節

其四

仲長田園趣千秋與共之永言桑梓敬持此保門楣

其五

翁閒或親耜婦老猶採繫儉勤神所福眞樂此中存

其六

經營此佳城感激渭陽情元來外家養不忝奉先誠

其七

頃年哭尚書前歲失真儒煌煌詩與筆朝夕對型模

其八

生計却徒然榮名渾已矣詩禮乃家風勉旃孫若子

漫吟

偶畫東臺雪翻成復卦文眼前天地意窮谷變氤氳

春祝 癸卯

鶴髮扶來雪峽溪祇將愉色可娛心九疇五福康寧
最忭祝微誠上帝臨

溪行

沿溪逕轉幽鶴鶴忽飛去寄言爾勿飛吾亦閒容與

次龜灣洪叔 禹傳韻

惻惻吞聲各死生故人癡坐此時情鼎中龍虎身全
老卷裏唐虞眼獨明花引幽蹤窺雪峽月將遙夢度
江城春來野水連天碧何處孤舟盡日橫

漢谷道中

山行內外四十里溪谷左右木蓮花行人終日聞香
氣却訝阿檀國裏過

五月四日吟

時危百憂集天遠萬山溪今朝 孝宗雨猶答下民
心

上雪岳山青峰

雪山頂上屬何處我欲捫天與天語白雲無數海中
來咫尺却愁鰲戴去

次龜灣韻

相思白髮滿頭生千里詩回更愴情無奈盛衰關氣
數只將忠信質神明冤氛鬱肆埋龍土陳迹蒼茫化
鶴城夢裏欲尋龜浦路峽雲何處復縱橫

遣興

道在居無陋地偏心自賒乾坤都是客山水便爲家
蔬糲憂何有詩書味轉加鳴泉去不息端坐撫年華

漫吟

空山獨夜意何如一氣清明萬籟虛夢裏不禁流注
想十年多愧讀鄒書

冰灘

冰底灘流意未平山空夜寂或悲鳴幾時渙渙春波
動浴鷺游魚見性情

和龜灣謫裏見寄

南天離思忽西關欲往從之塞路艱明月長隨孤客
至青春能伴逐臣還老年豪恥方知免中夜棲憂也
未閒千里一般回首地蒼梧綿邈暮雲間

其二

陰翁先生集卷二
羣陰剝了又陽生靜裏沉思天地情行盡險塗方坦
闊看來暗室自虛明百年已信心如鐵萬事須防意
若城欲折梅花寄消息孤懷耿耿到參橫

敬次仲舅星山謫裏除夜韻

他鄉此夜少安眠嶺樹關雲各杳然天理只應徵碩
果且從周甲卜退年

春詞 甲辰

夫曰樂且麋鹿吾羣木石吾居婦曰歸歟深山不可
以久諸嗟山之深兮樂無央我田數畝維黍穰穰隰
有桑采之猗之澗有毛筐之湘之滿腹兮經書我自

悅我之芻豢縞衣兮綦巾爾不願人之文繡子能子
婦能婦我瑟爾琴以娛我壽母之心苟斯歡之長存
而何地不可安婦曰旨哉夫曰嘉只維我與女伊其
相樂不知老之將至

人日

萬物最靈我四時爲首春發生均一理滿腔藹諸仁
日以參三得陽從用七新沉吟此夕意愧殺暮年人

昭陽亭

正月昭陽亭上行石翁之後敢容評遙村烟闊一人
去落日沙寒雙鶴鳴山雪江冰更清絕天高地迥覺

分明休言春晚勝春早真味方從淡處生

次洪兄汝和

禹諧韻

遙聞遼鶴幻前身應有胡僧辨劫塵過鹿閒眠常愛
草遊魚淡入不驚綸依依某樹翻三紀寂寂空山又
一春悵悵門前西逝水奔流幾日度咸秦

其二

閒居賦裏尚塵緣那有雲山百曲泉故國音書天與
遠昔人襟韻月孤懸折來芝秀供晨膳含得蓼丸警
夜眠素髮斑衣增怵惕永言明訓報三遷

其三

家居日用義須精此道如今尚可行寡過真堪師伯
玉析疑誰復共淵明山蹊頃刻茅還塞夜露尋常蘂
自生聞說邇來忘肉味定從謨典覓治平

昭陽亭別李君原明

宜哲

雲陰垂野草萋萋滿目江山客意迷悵悵昭陽亭上
酌人隨流水各東西

合江亭觀漲

二江交處此高臺五月觀濤何壯哉且喜紅亭猶聳
出還愁雪岳忽浮來千章顛倒何山木百道砰訇出
地雷老子眼中難語水曾看滄海一泓盃

漫吟

燕居終日水聲間耳目于今却不閒頃刻軒窓窮萬
變白雲如海復如山

其二

茅簷兀坐欲無言何事鳴泉百道奔觸處天機藏不
得方知寂裏自生喧

赴

懿陵引日至加平阻雨志感

天意蒼茫臘月雨行愁躑躅半江冰窮谷孤臣無限
涕石坡嶺上望 新陵

其二

幾重雲樹遮雙眼多意鳴泉助一哀遙想千官雨中
泣還隨羽衛入蓬萊

其三

玄天無語本仁慈世運平陂自一時白髮宮僚獨不
死孤忠炯炯祗心知

春祝

雪峽仍三歲萱堂又一春古稀今忽至喜極懼還新
屋筭隣東海心香對北辰斑衣視萊子猶是少年人

申判書

銜挽 乙巳

幾仞蒼厓對面時斲餘古柏露霜皮氣能履海如平

地魂獨隨春近玉墀朝右少年多厭厭天南老宿自
遲遲騎箕恍惚人誰見加額羣情變涕洟

春祝 丙午

寧羞髮白映衣爛聊共兒孫遶膝歡永願嘉筵歌魯
頌先從故里賦斯干

其二

化日高堂喜色新氤氳遍作四時春也知老老無他
術要自吾心一箇仁

李參議 頑翹 挽

升沉休恨鬢霜繁倚伏要從達識論天取彼讒塗斧

質春隨此老入田園澧蘭沉芷無人綠院漏街鐘盡
夜奔灰劫餘生空涕淚朝端長者更誰存

趙忠翼公 秦采 遷葬挽

玉不經灰松未寒世間蒿目易閒看終扶 社稷伊
誰力上獻 先王只此丹氣象好時成就好死生難
處笑談難碧波漢水通千里粉旄猶疑赤舄還

申判官 思遠 挽

六十兒將九十翁鯨濤出沒漢挈風歸舟一泊猶吾
土也是天監孝子衷

其二

深墨其容祇一看餘生涕血共沈瀾
即聞棹楔揚顏俗不復詩人歎素冠

其三

邇來淚盡為同堂還羨公亡也不亡
身後繩繩忠孝種勿云天意劇蒼茫

李忠愍公

健命 遷葬挽

知公甘一死公死 國猶存土碧
三年血海涵萬古冤天心能悔禍
世道欲無言松栢 明陵路歸兮楚
水魂

憶清性上人

浮雲去去無南北師在何山黃葉多
追憶前年今夜月一天涼露滴袈裟

省仲父歸樂公墓

到夜空山哭人知孝子來誰言攀柏地
白首此生哀其二

是墓今無主薪芻恐不禁三周末忍去
寒月照孤心

送李生

以漸 歸龍崗

白菊天寒猶自花一杯相屬曉燈斜也
知為學無他術千里行人自討家

觀兒子盆梅詩次其韻以砭之

冰雪枯柯外神噓蓓蕾新聖清將作配女白儼非倫
道豫如迎臘心謙却殿春貞元含萬妙財相本由人

李忠文公順命遷葬挽丁未

王謝風流燕許手如何不際太平期臣身縱死邦無
隕上有於昭 聖考知

其二

雨露春淡湖外墳輝煌粉字寫忠文遙聞故宅經歸
櫬遺恨悠悠滿水雲

趙都正秦果挽

忠翼公墳草又春忽聞地下會天倫為言後死清時

見尚有空山泣血人

沈僉知賢挽

遼鶴歸來萬事非隔江老宿尚依依病餘一草重牢
序早晚乘春歛野扉

其二

攀柏孤魂滯洞陰臨書涕淚老人心遞筒未答哀歌
續耿耿明幽此恨深

趙利川斗彬挽

吾郡長懷趙使君口碑亦有利人云舌存忍作傷時
哭跡屈難消射斗氛歲晚玉田猶有種春寒沙雁獨

呼羣少年詩賦場中面君已黃泉我白紛

李監司

漢挽

少年文雅望崢嶸曾識淵翁有月評
卯角猶懷山寺面
早花常愧澗松情
去時旌節柴門枉
歸日簫笳白馬迎
可惜龍川一口氣
誰之不若不公卿

樹下睡猿

庭際葡萄一架陰
紫蔓倒地風輕舉
古松弱槐枝相樛
炎天赤日不到處
老猿擇地如有神
終夕淡眠不知暑
幾處長安襜襪子
揮汗炙手來又去
寄語兒童莫打驚
所貴物物得其所

秋日

不有卷中人老眼何由青
吟蟬晚益清
秋草徧空庭
浮雲自起滅
敲枕且吾亭

金正言

壽錫

挽

舊時仁里好壯歲
類宮詩吐氣
鍾山老題名
諫院卑人生有子足
君死爲親悲
獨鴈天霜晚
雙旌曠日隨

閔南原

鎮細

挽

升沉一宦鬢
皤如長者襟
懷自蕩疎趾
舅在時稱善士
尤翁禍日是
司書問生窮
峽情緘數同事
喬山血淚餘
不見廣寒歸
後面湖雲渺
渺送靈車

洪生禹著挽

尺疏斯文重三年北塞歸冰清與弦直宜爾死寒饑

其二

歷歷龍仁道同行到白頭邱原下霜露清漢去悠悠

李文學璋挽

邇來政績古循良少日聲名翰墨場祇得丹旌寫文
學空令白髮哭爺孃朝榮夕悴神何意蠖屈龍攄理
則常凋悵農翁講書地江空草露滿寒蟄

徐監察行遠挽

骨肉猶睽異人情有盛衰而公不貳志自我未生時

薄宦桑榆晚孤形浩劫悲排闥日迴照藉手見先師

其二

七月廣陵別班荆仍劈瓜誰傳不起疾但道好還家
歧路言何盡衰情涕自斜子孫應世講莫恨九泉遐

李副正志達挽

太學冤魂三月雪倉官義氣數行文貞松寒後方知
勁良玉灰中自不焚篤好老年尤可愛卷懷清致更
誰羣淡慚託子叮嚀意後死無聞但白紛

遊扶旺寺

蕭寺重來十載餘居僧恠我鬢毛疎浮雲百起復百

滅惟有青山青自如

別洪生雲紀 章漢

歲晏北風寒征衫霜霰集聞君賦斯干沃田歲有入
况有妻兒樂良慰去京邑丈夫負志氣豈肯如維繫
俛首且下帷淡造在時習壯年不我畱窮廬悲何及
尚念大碩人赤心冀成立

宋同知 奎賢 挽

河南門戶漢循良上黨青山生死鄉枕上光陰惟藥
餌夢中天地幾滄桑有孫何用悲埋玉偕老終須會
若堂藉草春郊疑昨日餘生白髮已如霜

春祝 戊申

天地之心一箇仁發為大千界中春地底一陽而二
陽坐着淑氣轉洪勻我心恂悅喜與懼堂上老人鬢
如銀有子不能娛心意四五十長吟呻半生讀書
知何用小學篇中愧敬身願天下鑑一腔赤日月為
我無趨趨歲歲上堂歌魯頌北有萱兮南有春上願
吾王推達孝制節謹度和民人下令節屋與朱門
老者肉帛歡顏均

任判官 通 挽

天姿敏達合時須少日詞華即技餘相視 喬山雪

裏涕纔傳塞府夏中書高堂夕照魂猶結小築清風
計亦虛不食由來兒必做且畱衰眼覘于閭

贈蒼玉屏主人釣竿

籊籊園東竹溪流幾尺高沉吟玉屏趣豈必我身操

李生德遂挽庚戌

七日陽來君不還清羸長憶別時顏游魂定向書齋
去人在驪江獨掩關

其二

映雪孤燈坐夜深耳邊金石有餘音青山死骨知無
數那忍埋君好學心

除夜

茫然五十一周星霜雪邱原獨抱經孤露即今誰為
孝此生猶恐負西銘

李統制使載恒挽辛亥

列郡何曾一士聞忠肝萬里徹西雲于今定遠非投
筆在昔荊州獨癖文世難鼓鼙明主聽家亨書劔
衆兒分舊時帳下千夫涕遙望白江江上墳

拜尤菴先生墓

寂寂空山百花堂堂正氣何處我來不聞一言天高
海闊延佇

拜圃隱先生祠

我拜圃翁廟庭空青草迷開門赤日出徹曉子規啼

拜靜菴先生祠

不覩先生貌須知天地心可憐手種樹上竦下無陰

魚龍仁 史周挽

草沒溪南數尺碑白頭還共野黎悲秋來欲向龍門
住者舊風流更有誰

仁祖大王遷葬挽

於昭陟降日監臨沒世懷恩下土心須識再昌功過
漢未聞千乘孝如參乾坤偶值明夷象今古同傷采

菽吟尚冀帝庭新命固傳來精一 聖孫欽

其二

松柏喬山霜露滋吾 王孝思動神祇慮淡非為防
崩雨宅吉何殊洛協龜丹鼎依依龍馭返白雲望望
帝鄉遲舊臣不在餘孫子猶復愀然若見之

仁烈王后遷葬挽

十亂婦猶一二才坤與參於皇我 聖后匹美古周
南求劔增鴻烈觀舟惕燕談歡從長樂洽恩與八方
涵厭世腥氛迫環東涕血含欄花春渺渺 陵柏老
甍甍 玄隧神應護 重宸寢不甘胡天示災恠非

我眩輿堪福地慳千祀良辰儼六駟蓐收清御路富
媪出祥嵐露泣揚新第香淒啓舊函追思如喪妣餘
慶願多男制已移岡設封仍做廟龕畫摹臣曷敢握
管但懷慚

鄭僉知混挽

世間殊少讀書人一覲冲儀意便親朱墨浮沉非俗
相溪山瀟灑可閒身文清遺業徒餘壁孝理新恩更
縮銀風雨重陽來故里向年傾蓋隔如晨

同諸君泛菊侑以陶詩仍和其韻

吾廬孰云幽讀書聲頗喧暇日履錯然黃花戶北偏

秋色何蒼然舉目盡寒山臨觴共長嘆淳風何當還
柴桑有遺音是子可與言

其二

盛酒老瓦盆登盤粲金英文質頗相宜欣然君子情
一觴便流通四座弁無傾黃葉徧空山霜鴈時一鳴
忽有寒梅至且復候陽生

盆菊

風雨滿哀壑孤芳不受寒移家辱相近自有臭如蘭

謝菊

其二

偶值歲寒後幸升君子堂苦心元自在不是避風霜

菊荅

十月二日夜宿島坪村曉起有感而作

明陵拱木杳秋烟星漢昭垂夜夜天簪筆舊臣猶不
死白頭窮谷夢花甄

其二

一宿桃源意杳茫雲山幾曲水流長惟有丹心銷不
得悲歌中夜憶先王

尹成甫鳳韶挽

我昔求友早君家伯仲良仲兮我同庚君則二歲強

曰汝於我館吾母供中堂維時各少壯頡頏翰墨場
君為漢魏詩調格不可當譬彼九臯鶴雙鳴聲遠颺
志氣一何壯其樂諒無央邇來四十齡回顧意茫茫
一別兵戈際遂成參與商鮮民不如死廓然過琴祥
書來每自疚崖蜜見中腸八月喬山道哭君漢水陽
立馬望脩門掩抑涕盈裳聞君有遠行我時病在床
古人白馬奔此道已全亡飛沉及脩短寘之勿復詳
有子萬事足不見吾家剛豈我友朋少于今盡凋傷
温温君子心寤寐不敢忘悲吟坐中夜邱原淒雪霜
不知崖海客白髮幾許長未死或相見安得君在傍

漫吟

永懷無極子坐歎坤復間寒梅意欲動斟酌一陽還

詠梅

莫小盆中土能先天下春祇應冰雪底千樹盡精神

尹都正弘挽壬子

白頭孤憤氣如山禍福誰人透此關今古堂堂三節
祖也應歸拜不慙顏

謝大卿庶再從送藤杖

老去無餘興春淡不出關慙慙桃竹杖扶我上青山

恩歸亭小集

亭空誰主客境寂是山林沙白一何迥江清還不深
異鄉花樹樂衰世渭陽心野外多饑色停觴悄獨吟

趙持平正純挽

亂後逢迎血涕橫邱原相望老年情君歸泉下猶生
氣仗馬于今不復聲

李南平顯應挽

聞說南平縣新喪賢使君五月靈車還百里哭聲聞
老我久憤俗違道徒紛紛愚神不可欺誠偽自茲分
嗚呼先相國憂民意甚勤此意君不失救之猶溺焚
縱孤韋平業且與召杜羣挽歌採風謠遙寄廣陵雲

哭安直長 重謙

短褐衝寒訪弊廬
名山藏副意何如
白頭孤坐蟬聲裏
淚滿中庸一卷書

次鄭厚卿韻

麋性安野草鳥心駭
門鼓云胡市朝間
淡坐類圓戶天怒未
敢豫旅瑣肯言苦
時節已重陽悄悄
對涼雨有懷谷口隱
婆娑二松樹

姜君長文 奎煥 挽

君初二十時見我
以書費滔滔筆端
舌未語已心異
通亭後多賢詞翰
乃家事君又稱酷
似學問知有自

餘力涉九流蓋非拘
儒類實以三世好
繾綣不我棄揚袂
說理氣馳牘辨仁
智往往造淡微寡
陋竊自愧忽騎從
事馬旋持寢園被
沉絲漳濱憂無乃
書為崇一死無早
晚朝聞自不易不
見三四載未敢測
所至白髮臥窮谷
吾黨日凋悴煌煌
三秀草沉歎傷爾
志深深漣州土望
望白雲淚崦嵫日
色淒破屋無簞食
病間一往哭未往
先酸鼻

十一月九日夜夢海昌都尉曉起口占錄奉伯

玉行人 瑗

白頭窮谷寡相親
夢裏時時見故人
料得重泉惟疾

念遠天渺渺逐征輪論語孟武伯章註宜熟玩這箇道理恐無間於存歿矣如何如何

何

次兒子立春韻癸丑

春來如有約老去一無能自覺慙幽獨何論樂遠朋
良心隨茁物宿習解纏藤天地饒和氣治平庶可徵

金正言壽鑠挽

十載哭君兄弟淚此生於世却支離一般諫職丹旌
字依舊慈顏白髮悲郵縣縱微成反哺泉壚無隔續
吹簾遙知雪裏新墳小猶自臨風想雅儀

金安岳昌說挽

郡紱棲遲四十春相門餘業尚清貧經來浩劫疑前
我歸去重泉盡故親連袂嘗遊陽谷宅升堂憶拜大
夫人獨憐後死支離甚能見顛皂發茁新

鄭英陽堦挽

一第當時若易然窮通只可聽蒼天故人袞袞青雲
上小邑栖栖白髮年嶺嶠書回千里雁山齋榻下滿
林蟬松楸聞說相隣近臥疾徒傷負漬綿

柳都事壽觀挽

萬竿脩竹拂雲天滿架琴書偃仰邊薄宦向來聊偶
爾故園歸去便超然江郊軟話消長日湖海相思隔

暮年千里赴書何處至白頭癡坐淚如泉

韓佐郎配斗挽

破屋蕭條日在山知君死淚不曾乾可憐幾歲嬰微
祿虛作安陽一喜顏

寄吳左尹重周

八十陽山老猶堪矍鑠稱春生處士柳雪灑灞亭鷹
薄糶充飢足殘書禦睡能漢時皇甫傳休退見何曾

春事

頭白詩書裹身依桑梓邊山淡子規畫村暖杏花天
有興聊孤往無思且穩眠濛濛時雨下與物共欣然

曉吟

睡美不知曙微聞時雨聲融神入無極此樂優韶英

時雨

盲風彌日人氣不舒時雨沛然人氣乃蘇一氣交感
如吸如噓勿謂高高天不違余

閒行

溪谷何逶迤終日行復行雉鷲時一飛虎跡頗縱橫
偃松有古意林花空自明勿云吾盧淺聊可適性情

北林閒步

花開不見人山禽相與語有興偶然來興盡還歸去

其二

日日無事遊長松與為友藥草滿途生一嘗香在口

其三

童稚好升木時驚鼯鼠遊折來花在手白髮似相羞

其四

有風閉門坐無風携杖行人生聊復爾心裏復何營

其五

亭午樹梢靜歸來風滿衣山禽稍相熟笑語不驚飛

右一首
和心源

和大心

從弟維

花氣生林壑雲嵐出戶庭舉頭還獨笑身世入丹青

偶吟

樹杪聞人語花陰散馬蹄春風吹夢去先到雪溪西

獨坐

淨欲焚香坐閒惟隱几吟雨中春酒綠花裏草堂深
歲月靈芝歎乾坤古栢心白頭誰與友黃鳥有嘉音

三月晦日

青春去我堂堂白髮看山悄悄松下婆娑幾人花間
睨皖雙鳥

其二

巖花自開還落谷鳥誰教爾鳴
邂逅清風一至空山
獨坐無情

金參判雲澤改葬夫人合窆挽

君家一何盛矯矯荀氏龍嘗聞竹翁言君有儒素風
立朝頗謇諤持已常謙恭嗚呼壬寅事欲語摧心骨
蘭何生門側玉不汚火中君時無一言大哭向蒼穹
宗國可奈何臣敢惜微躬鬼神為悲泣白日照赤衷
惟君瑞石祖蔚有保社功羣孽謂可讎一門罹鞠凶
人事幾翻覆天運有閉通寘之勿復論後世自至公
哀哉崩城婦淚徹泉重重淚盡命亦盡今日下相從

緬憶沈氏宅鄰近吾方童君騎白馬來玉雪少年容
鳴鴈何雛雛百兩搖玲瓏轉眄五十年世故莽無窮
後死生百酸衰矣已成翁緘詞與諸孤寄淚灑堂封

尹水原涉挽

近接隋城土深知父老悲吾飢幸不死公去遂無歸
望望甘霖遠青青野麥垂往來書尺在回首淚盈衣

其二

高閣槐陰裏輪蹄雜沓來自從郎署日見許廟堂材
尺疏孤忠鬱脩塗大翼摧素聞張仲友重為二難哀
杜鵑來叫庭槐

陸菴先生集卷二
五月風露滿槐林黃昏子規啼更深青山何處無高
樹似識孤臣再拜心

雨坐川上

雨裏一壺酒出門觀漲川冠童聊偶爾魚鳥亦欣然
多愧揮鋤汗休爲枕卷眠不辭衣盡溼甘澤荷皇天

俞參判崇夫人挽

近聞樛木化先及大夫家柵內都無怨心中一箇和
含飴已可樂扣缶不須嗟祇有親嫻淚尋常慕德多

李進士命采挽

爾我同自出爾婦我自出念爾內外舅見爾涕屢出

其二

爾質雖清羸爾性頗剛決謂爾立揚早不曾憂短折

其三

爾翁雖失爾爾季有存者吾妹有一女胡忍女又寡

其四

爾嘗悲汝剛爾死無自悲那將八九歲易得二男兒

其五

樹木豈無死遺種便長存勿云出地小頃刻拂雲繁

其六

聞爾憫吾衰向翁求胡麻誰謂吾不死哭爾涕橫斜

趙參判彦臣挽

時危一馬赴清州
血泣蒼黃甚哀求
袞袞諸公頭盡黑
忠勞誰復與君儔

其二

牛頭秀色接麟蹄
或棹孤舟或杖藜
旅寓追遊猶一樂
至今雲水夢魂迷

其三

歲暮邱原白髮斜
故人死孝愧如何
九泉倘復逢吾弟
式穀猶應羨子多

李副學秉泰挽

吁嗟近歲闋朝陽
空使南人識鳳章
河濁詎容膠寸力
苦心要不愧穹蒼

其二

願識荊州每恨遲
春郊邂逅又相違
此人此世何由得
早晚青山一哭歸

八月十日發寒泉向楓雪諸山途中口號

出門已佳興滿眼
盡雲山寄言籬下菊
且待主翁還沿道禾穀甚茂喜賦

物物天地內
目擊道斯存
苟得山水趣
其樂詎可言
塵清且歲熟
是行亦君恩

利川道中

余馬忽東首瞻雲思浩然野陰微逗雨山意曖生烟
幾日觀滄海今宵宿利川此心猶俗累一洗似秋天

示大心

未到靈區樂有餘靈區既到興何如此去登山觀海
罷與君堅坐讀鄒書

其二

光陰忽已近三餘馬迹栖栖焉所如山水中含仁智
意也應勝讀十年書

老木

老柯中斷出橫枝雨露無偏自四時寂寞好音惟鵲
至峻嶒古意少人知

原營感舊

塵緣難撥棄茲役費經營白髮心猶少青山面不生
時逢某邱勝願作一廛氓况是桐鄉土仍懷舊政聲
過伴鷗亭舊址

其二

勝地今誰主吾宗舊有公勿云分派別猶喜出門同
老木烟沙際孤村夕照中鷗波空浩蕩獨立意無窮
感激宗人淚如經峴首來華堂草履滿春日綺筵開

往迹如斯水空臺復此盃清風聞割袖殘裔益堪哀
嘲大心衣羽衣

問爾何年鍊道成雲間裊娜羽衣輕忽看平地化仙
子不羨古人為佛兄昏眼却疑騎白鹿醒心還似聽
瑤笙且煩老爪搔塵背坐說蓬萊水淺清

大心騎白
驢炭行畏
虎繫鐵鈴於馬尾南
真謂鈴為醒心子云

秋夕

日斜雞犬鬧荆扉知道家家上塚歸大野淒淒霜露
白征人何事獨霑衣

偶吟

八月風高爽客襟草間終日候蟲吟秋來霜露還為
教百穀田田摠實心

感懷

意氣相傾涕笑間江山誰作主賓看十年事往無人
識惟有苔碑記姓韓

渡圓通江望寒溪

邇來移宅近青山意欲携書老此間東海仙人應笑
我十年贏得鬢霜還

嵐橋路中

船回水驛小馬入洞天幽古木不知歲寒花無數秋

赤城雲渺渺瀛海思悠悠未學金丹術重來已白頭

洛山觀日出

坐待東方出沉思羲仲前陽來開有暎聖作觀爭先
一破鴻濛地疇違咫尺天茫茫依附際目盡是為邊

其二

世界開長夜天心憫衆盲昇雲還作暈傍海乃騰明
輪轉無時息光新逐日生扶桑繫余馬不待御風輕

海山亭

城北名亭勢不孤放開滄海散為湖浸却金剛山一
面倚欄人似坐虛無

其二

海上千峰玉立高雲霞朝夕似崩濤此中合着空中
閣鞭駕風霆也是豪

其三

靈區雲物幻空青錯落波中幾點星華人但有金剛
願不識吾東有此亭

海金剛

住在山中足浮來海上何須知萬千數祇是一拳多
其二

昔從高處望山勢似奔濤今來海中見造化有遺糟

七星石

雲河曙光動北斗低復昂俄驚自天墮宛在水中央

三日浦

世外逃名何用書磨丹鏡碧術全疎苟於山水窮真趣一日猶應千歲如

發向楓岳外山

馬入雲霓明滅中滄波背指七星東此生隨遇且為樂莫說今晴明日風

新溪寺

傍海千峰秀穿松一逕賒何年為佛寺此地似仙家

雨壑龍吟壯霜空鴈字斜欲知吾臥處遙見赤城霞

玉流洞

洗出芙蓉色鋪來白玉流天公十日雨為我壯心眸

其二

欲問九龍居只在山迴處人生貴知足怙悵還歸去

佛頂臺

誰令巧彫斲羅立此奇峰突過如來頂翱翔北斗中巖明瀑幾曲霜赤樹千重內岳惟天一雄觀與爾同

雁門嶺

四邊風枯畫常昏列岫連天有一門從此內山真面

目一時羅立似兒孫

眞佛菴

無語相看丈六身形如佛佛如人
佛人是佛人非石那得虛中更有眞

上毗盧峰

絕頂風多不產松眼前顛倒大千峰
入山溪坐形如佛傍海高騰勢若龍
石累一拳窮化迹波傾萬斛盪塵
胷中天卓立何曾遠才竭人人任所從

其二

身隨雲意遠眼與日光新地厚能容物
天高却近人

登山誰小魯蹈海獨羞秦提掇吾心去
要無一點塵

其三

海山萬里倚天晴蕭瑟秋烟幾點橫
四海腥塵那得汚茲山自有衆香城

其四

秋日悲歌憶紫陽古來天意劇蒼茫
南嶽泰山同一樂栖栖吾道亦何傷

其五

維嶽臨東海吾邦共汝瞻莫學詩人語
閒將雪較鹽

其六

脚倦還思睡憑虛枕古巖天晴碧海闊斜日數歸帆
天一臺

返照明深壑千山拱一臺辛勤脚踏處談笑眼收來
十日雨頻作連宵雲忽開若非天借便虛作一遭回
見諸大師真

魁梧氣象七分間枯死如何不出山可憐直坐高明
過錯道前生了事還

望松蘿菴

歲暮王孫胡不歸長松爲屋碧蘿衣我來弔古青山
裏悵望雞林黃葉飛

地藏菴逢訥上人

不憚尋孤寺猶欣見訥師浮雲無定住此地豈同期
聽法花如墜看山席屢移禪門但空寂何故復爲詩
出山

君惟喜山水吾亦厭塵紛早晚携書至從容一榻雲
其二

少年不曉事容易語名山二十年前客白頭今始還
龍山村

清曠龍山土淳龐太古民雲林吾可隱板屋汝爲隣
碧海祇三舍雪山如故人長吟白駒什還欲訪沉淪

上道新舍

自非經濟手常有遂初心滄海君將隱青山我復尋
三神聚精氣一屋面晴林何日落成酒聊同野老斟
望雪嶽

語大元無敵窮高詎可重試於平地見邱垤亦為峰

李僉知 緹 挽

近世多循吏今人少好孫况茲栗翁後能守石潭村
天子無求爵家承有受言他年訪文獻耆德復誰存

鄭老 續昌 挽

三月衡門芳草生丈人來告白雲行豈知仙界還墳

土方恨吾鄉失老成耿介自非塵俗相詩書誰託故
家聲別時杯酌空如昨素髮寒花獨坐情

哭李生 志賢

洛下朋來忽告凶推床涕淚自沾膺人言未見三年
齒我憶曾書九箇容松本後凋期實遠苗多不秀問
何從異時寢哭應煩爾胡使長號繞斧封

南監司 道揆 夫人挽

清風溪上幾尋春池閣龍門一愴神白首還嘗剪髻
酒閨中應識舊遊賓

其二

晝燭空閨十載悲重泉曠日是前期死生謝氏青山
宅今古張林婦德碑

徐會之

慶普

聞余將盡室入麟洲舊居持酒來

別余實有志而未也既笑且愧詩以謝之

積雪空山裏青燈悄獨吟壺樽百花氣天地一陽心
愧我宜溪入令君費遠尋相規無別語莫貴滿籛金

